

- trajanje projekta
- visina Budžeta za predložene aktivnosti
- dinamiku utroška sredstava
- druge izvore finansiranja projekta (uključujući vlastite resurse)
- ovjerenu kopiju registracije organizacije
- ovjeren spisak uposlenika prijavljenih kod PIO/MIO, angažovanih na realizaciji projekta.

Član 6.

Rok za podnošenje projekta je 30 dana po objavljivanju javnog oglasa Općine u sredstvima informisanja.

O rezultatima odlučivanja po podnesenim projektima svi učesnici na konkursu će biti obaviješteni pismenim putem nakon čega će početi procedura zaključivanja ugovora sa organizacijama i pojedincima čiji su projekti odobreni za finansiranje.

Član 7.

Najviše 15% odobrenih sredstava mogu se koristiti za finansiranje administracije i materijalnih troškova odobrene organizacije.

Subvencija Općine može biti korištena samo za pokrivanje troškova projekta odobrenih budžetom.

Dužina trajanja projekta za koji se traži subvencija je maksimalno 12 mjeseci. Projektni period može biti kraći od 12 mjeseci.

Član 8.

Odobrenim budžetskim sredstvima Općine ne mogu se finansirati troškovi kao što su kupovina kuća ili kancelarija, pokrivanja deficita ili darivanje kapitala, kao ni retroaktivno finansiranje projekata koji se već provode ili su okončani.

Neće se finansirati godišnji program aktivnosti. Projektni prijedlog se mora odnositi na specifične aktivnosti, odnosno na niz utvrđenih aktivnosti koje su u međusobnoj vezi i koji mogu da se identifikuju rezultatima unutar određenog vremenskog okvira.

Član 9.

Isplata odobrenih budžetskih sredstava Općine vrši se kako slijedi:

- 80% odobrenih sredstava se isplaćuje prema dinamici priliva sredstava u Budžet Općine iz Zakona propisanih izvora;
- preostalih 20% odobrenih sredstava se isplaćuje nakon podnošenja i prihvatanja izvještaja, koji sadrži i opisani i finansijski dio, nakon čega se upućuje zahtjev za isplatu preostalih sredstava.

Isplata se neće vršiti retroaktivno. Neće se odobravati troškovi po fakturama datiranim prije datuma potpisivanja ugovora sa Općinom.

Član 10.

Za projekte čija realizacija traje preko 6 mjeseci do 12 mjeseci, nosioci projekta, odobrene organizacije i pojedinci će podnositi periodični i konačni izvještaj. Konačni izvještaj nosioci projekta su dužni podnijeti u roku 1 (jednog) mjeseca nakon završetka projekta. Periodični izvještaj nosioci projekta su dužni podnijeti po šestomjesečnom obračunu.

Za projekte čije je trajanje kraće od 6 mjeseci podnositi će se samo konačni izvještaj.

Općina će obezbijediti nadzor provedbe projekta u toku njegovog trajanja.

Član 11.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-113/06
februara 2006. godine
Sarajevo

Predsjedavajući
Općinskog vijeća
Stari Grad Sarajevo
Rizah Avdić, s. r.

Na osnovu člana 20. stav 2. Zakona o trgovini ("Službene novine Federacije BiH", broj 64/04), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na 13. sjednici održanoj 2. februara 2006. godine, donijelo je

ODLUKU

**O RADNOM VREMENU U ODREĐENIM
DJELATNOSTIMA**

I - OPĆE ODREDBE

Član 1.

Ovom Odlukom utvrđuje se radno vrijeme i raspored dnevnog i sedmičnog radnog vremena u oblasti prometa robe na malo, zanatstva i oblasti uslužnih djelatnosti.

Odredbe iz prethodnog stava odnose se na pravna i fizička lica koja obavljaju navedenu djelatnost putem svojih prodavnica, radnji, agencija, poslovnih jedinica, radionica i sličnih prostora koji se nalaze na području Općine Stari Grad Sarajevo (u daljnjem tekstu: Općina).

Član 2.

Odredbama ove Odluke nisu obuhvaćene:

- Poslovne jedinice - radnje koje pružaju ugostiteljske usluge tipa catering (kantine i pripremnice obroka) uposlenim i članovima preduzeća, organizacija, udruženja i ustanova
- na stovarišta u kojima se vrši promet robe na veliko
- na prodajna mjesta u sklopu pijaca, tržnica i hipermarketa
- na prodavnice u sklopu hotela, benzinskih pumpi, i sl.

Član 3.

Radno vrijeme ne može biti kraće od 4 (četiri) sata prije i 3 (tri) sata poslije podne, a subotom 5 (pet) sati, osim ukoliko ovom Odlukom nije drugačije određeno.

Minimalno radno vrijeme iz prethodnog stava propisuje se radi zadovoljavanja potreba građana.

Radna sedmica za sve djelatnosti iz člana 1. ove Odluke ne može biti kraće od 6 radnih dana, izuzev ako ovom Odlukom nije drugačije određeno.

Član 4.

U cilju poboljšanja turističke ponude, radno vrijeme objekata u poslovnim zonama Ferhadija, "extra" i "prva", a koji se bave prodajom suvenira, pružanjem ugostiteljskih i sl. usluga u vrijeme ljetnje sezone (u periodu od 31. juna do 1. septembra) završava se u 21 sat.

Član 5.

Radno vrijeme može biti duže od minimalnog radnog vremena utvrđenog ovom Odlukom ukoliko privredni subjekt koji obavlja pomenutu djelatnost donese takvu odluku.

Dnevni raspored, početak i završetak radnog vremena, u okvirima radnog vremena određenog ovom Odlukom, utvrđuje poslovodno tijelo pravnog lica, odnosno vlasnik radnje.

Član 6.

Obavijest o radnom vremenu mora se istaći na vidnom mjestu na ulazu u poslovne prostorije.

II - RADNO VRIJEME PRODAVNICA NA MALO

Član 7.

U prodavnicama u kojima se vrši promet na malo prehrambenim proizvodima mora se obezbijediti radno vrijeme svakim radnim danom od 7 do 20 sati, a subotom od 7 do 18 sati, s tim da mogu produžiti radno vrijeme.

Izuzetno od odredaba prethodnog stava prodavnice koje ne mogu obezbijediti neprekidno radno vrijeme, mogu raditi dvokratno, a u skladu sa odredbama člana 3. ove Odluke.

Član 8.

Prodavnice u kojima se vrši promet na malo neprehrambenim proizvodima moraju obezbijediti minimalno radno vrijeme u skladu sa članom 3. ove Odluke.

Izuzetno od prethodnog stava prodavnice u Ferhadiji, "ekstra" i "prvoj" poslovnoj zoni obezbijedit će radno vrijeme svakim radnim danom od 8 do 20 sati, subotom od 9 do 14 sati, s tim da mogu produžiti radno vrijeme.

Član 9.

Izuzetno od odredaba člana 8. ove Odluke, prodavnice novina, časopisa, cigareta, prevoznih karata (trafike) a koje su locirane uz stajališta gradskog prevoza obezbijedit će radno vrijeme svakim danom od 7 do 22 sata, a nedjeljom od 8 do 12 sati.

III - RADNO VRIJEME UGOSTITELJSKIH I TURISTIČKIH OBJEKATA

Član 10.

Ugostiteljski objekti u kojima se pružaju ugostiteljske usluge obezbijedit će minimalno radno vrijeme u skladu sa odredbama člana 3. ove Odluke.

Prema vlastitom izboru, ugostiteljski objekti mogu biti jedan dan u sedmici zatvoreni.

Iznimno od odredbe prethodnog stava ovog člana, noćni klub, noćni bar, disco klub i disco bar, mogu biti zatvoreni više dana u sedmici.

Član 11.

U objektima u kojima se obavlja ugostiteljska djelatnost određuje se završetak radnog vremena najkasnije u 1 sat po ponoći.

Određbe ovog člana ne odnose se na radno vrijeme hotela, motela, planinarskih domova, pansiona, disco klubova i noćnih barova.

Radno vrijeme na otvorenom prostoru ljetnje bašte i bašti uz ugostiteljske objekte identično je radnom vremenu ugostiteljskog objekta, s tim da disco bar, disco klub, noćni bar ne može poslovati na otvorenom.

Član 12.

Turističke agencije i njihove poslovne jedinice koje imaju organizovanu informativnu ili mjenjačku službu obezbijedit će radno vrijeme svakim radnim danom od 8 do 20 sati, a subotom od 9 do 14 sati.

Član 13.

Općinski načelnik putem nadležne službe, a na zahtjev ugostitelja može odrediti drugačiji početak i završetak radnog vremena ugostiteljskih objekata u slučaju:

1. kad se u ugostiteljskom objektu organizuju doček Nove godine, svadbe, maturalne, vjerske i druge prigodne proslave za određeni broj gostiju, uz uvjet da se ne narušava javni red i mir.
2. u periodu održavanja kulturnih manifestacija (Bašćaršijskih noći, Sarajevske zime i sl.), mjeseca Ramazana itd.
3. kada se radi o specifičnoj i nepredviđenoj situaciji koja nije regulisana ovom Odlukom.

Općinski načelnik putem nadležne službe donosi zaključak za svaki pojedinačni slučaj, na temelju pismenog zahtjeva ugostitelja, podnesenog najkasnije 7 dana prije nastupa situacije zbog koje se traži drugačije radno vrijeme.

IV - RADNO VRIJEME U POSLOVNIM JEDINICAMA PTT I BANAKA

Član 14.

Poslovne, organizacione jedinice banaka i PTT moraju obezbijediti radno vrijeme svakim radnim danom od 8 do 20 sati, a subotom od 9 do 14 sati.

Izuzetno od odredaba prethodnog stava banke i PTT koje imaju više poslovnica na području ove Općine mogu utvrditi drugačije radno vrijeme od onog iz stava 1. ovog člana s tim da jedna poslovna jedinica mora obezbijediti radno vrijeme kao u stavu 1. ovog člana.

V - RADNO VRIJEME ZANATSKIH DJELATNOSTI

Član 15.

Objekti u kojima se obavlja zanatska djelatnost moraju obezbijediti minimalno radno vrijeme u skladu sa članom 3. ove Odluke svakog radnog dana.

Izuzetno od odredaba prethodnog stava objekti u kojima se obavlja zanatska djelatnost sa poslovnim prostorijama koje se nalaze u Ferhadiji, "extra" i "prvoj" poslovnoj zoni obezbijedit će radno vrijeme od 9 do 12 sati i poslijepodne od 16 do 20 sati, a subotom od 9 do 14 sati.

VI - OGRANIČENJE RADNOG VREMENA

Član 16.

Ukoliko na vršenju ugostiteljske, zanatske ili druge djelatnosti na rad objekta učestalo dolaze primjedbe građana koji rade ili stanuju u susjedstvu (u vezi sa bukom, remećenjem javnog reda i mira, ukoliko radom objekta dolazi do štetnog utjecaja na okoliš ili zagađenja ili se pak krše odredbe ove Odluke), općinski načelnik putem nadležne službe, po prethodno pribavljenom mišljenju mjesne - nadležne policijske uprave i savjeta mjesne zajednice može ograničiti rad u objektu do 22 sati.

Izuzetno od odredaba prethodnog stava ne može se ograničiti radno vrijeme za zanatske i druge djelatnosti koje se po prirodi tehnološkog procesa moraju obavljati neprekidno, danju i noću, odnosno samo noću, ako su ispunjeni svi tehnički uvjeti da se obavljanjem djelatnosti spriječi širenje buke.

Član 17.

Zahtjev za pokretanje postupka za ograničenje radnog vremena može podnijeti savjet mjesne zajednice, a na inicijativu građana.

Općinski načelnik putem nadležne službe donosi rješenje o ograničenju radnog vremena koje se dostavlja imaoocu radnje - pravnom licu, nadležnoj inspekciji i podnosiocu zahtjeva za ograničenje radnog vremena.

Član 18.

Pravno lice, odnosno imalac ugostiteljskog ili drugog objekta kome je ograničeno radno vrijeme može pokrenuti postupak za ukidanje ograničenja radnog vremena tek nakon proteka roka od 6 mjeseci od pravosnažnosti rješenja o ograničenju radnog vremena.

Prilikom odlučivanja o zahtjevu iz prethodnog stava ovog člana pribavlja se mišljenje policijske uprave i savjeta mjesne zajednice.

VII - KAZNENE ODREDBE

Član 19.

Novčanom kaznom od 100 do 800 KM kaznit će se pravno lice i imalac radnje ako:

1. odredi radno vrijeme suprotno odredbama ove Odluke (članovi 3, 4, 7, 8, 9, 10, 11, 12, 13, 14, 15)
2. na propisan način ne istakne obavijest o radnom vremenu (član 6.).

Novčanom kaznom od 1000 do 2000 KM kaznit će se pravno lice i imalac radnje ako:

1. ugostiteljski objekat, ljetnju baštu drži otvorenu duže od 1 sat (član 11.)
2. ako se ne pridržava rješenja nadležne općinske službe o ograničenju radnog vremena (član 16.)

Za prekršaje iz stava 1 i 2 ovog člana novčanom kaznom od 50 do 500 KM kaznit će se odgovorno lice pravnog subjekta.

VIII - PRELAZNE I ZAVRŠNE ODREDBE

Član 20.

Općinski načelnik može, za djelatnosti iz člana 1. ove Odluke, zaključkom odrediti drugačije radno vrijeme u dane praznika od radnog vremena propisanog Odlukom ukoliko ocijeni da za to postoji potreba.

Član 21.

Nadzor nad sprovođenjem odredaba ove Odluke vrše nadležne inspekcije Kantona Sarajevo.

Podnošenje prijava za prekršaje vrše inspeksijske službe iz stava 1. ovog člana po službenoj dužnosti ili po prijavi.

Član 22.

Subjekti koji obavljaju djelatnost iz člana 1. ove Odluke dužni su svoje radno vrijeme uskladiti sa odredbama ove Odluke u roku od 30 dana od dana njenog stupanja na snagu.

Član 23.

Stupanjem na snagu ove Odluke prestaje da važi Odluka o radnom vremenu u određenim djelatnostima ("Službene novine Kantona Sarajevo", broj 20/99).

Član 24.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-120/06 2. februara 2006. godine Sarajevo	Predsjedavajući Općinskog vijeća Stari Grad Sarajevo Rizah Avdić, s. r.
---	---

Na osnovu člana 27. stav 1. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo na sjednici održanoj 2. februara 2006. godine donijelo je

ODLUKU

O IZMJENAMA I DOPUNAMA ODLUKE O NAKNADAMA OPĆINSKIM VIJEĆNICIMA I ČLANOVIMA STALNIH I POVREMENIH RADNIH TIJELA OPĆINSKOG VIJEĆA STARI GRAD SARAJEVO

Član 1.

U Odluci o naknadama Općinskim vijećnicima i članovima stalnih i povremenih radnih tijela Općinskog vijeća Stari Grad Sarajevo ("Službene novine Kantona Sarajevo", broj 16/05) u članu 1. iza riječi "... i stalnim komisijama..." brišu se riječi "...te naknada vijećnicima za učešće u službenom postupku sklapanja braka"

Član 2.

U članu 2. umjesto riječi "... visine koeficijenta 2,71..." pišu se riječi "... visine koeficijenta 3,15..."

Član 3.

U članu 3. umjesto riječi "... visine koeficijenta 0,54..." pišu se riječi "... visine koeficijenta 0,62..."

Član 4.

Član 4. se briše.

Član 5.

U članu 5. iza brojeva "...2., 3." briše se broj 4.

U istom članu iza riječi "... Općinskog vijeća..." brišu se riječi "... odnosno Služba za opću upravu za učešće u službenom postupku sklapanja braka."

Član 6.

Ova Odluka stupa na snagu danom donošenja, a primjenjivat će se od 1. 1. 2006. godine i bit će objavljena u Službenim novinama Kantona Sarajevo".

Član 7.

Ovlašćuje se Komisija za propise i Statut Općinskog vijeća Stari Grad Sarajevo da sačini prečišćeni tekst Odluke o naknadama općinskim vijećnicima i članovima stalnih i povremenih radnih tijela općinskog vijeća Stari Grad Sarajevo.

Broj 02-49-108/06 februara 2006. godine Sarajevo	Predsjedavajući Općinskog vijeća Stari Grad Sarajevo Rizah Avdić, s. r.
--	---

Na 14. sjednici održanoj 1. februara 2005. godine, a na osnovu prijedloga koji je dostavio općinski odbor SDU, Komisija za izbor i imenovanje u cilju dopune sastava Komisije za poslovne prostore predlaže općinskom vijeću na usvajanje sljedeći prijedlog

RJEŠENJE

O IMENOVANJU ČLANA KOMISIJE ZA POSLOVNE PROSTORE

I

U Komisiju za poslovne prostore imenuje se :
SAMIR ČENGIĆ - za člana Komisije

II

Ovo Rješenje objaviti u "Službenim novinama Kantona Sarajevo".

Broj 02-49-107/06 februara 2006. godine Sarajevo	Predsjedavajući Općinskog vijeća Stari Grad Sarajevo Rizah Avdić, s. r.
--	---

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), članova 2. i 3. Odluke o stalnim radnim tijelima Općinskog vijeća Stari Grad Sarajevo ("Službene novine Kantona Sarajevo", broj 21/05), Općinsko vijeće Stari Grad Sarajevo, na 12. sjednici, održanoj 29. decembra 2005. godine, donijelo je

RJEŠENJE

O IMENOVANJU PREDSJEDNIKA KOMISIJE ZA PITANJA BORACA I ŽRTAVA RATA

I

U Komisiju za pitanja boraca i žrtava rata imenuje se:

1. SALEM ČENGIĆ - na dužnost predsjednika Komisije